



**TEKS UCAPAN
MAJLIS MENANDATANGANI PERJANJIAN BAGI MENGELUARKAN MINYAK
PELINCIR JENAMA “RFLUBE” DAN PENYERAHAN LORI KEPADA RISDA
FLEET SDN. BHD**

**OLEH
YBHG DATO’ WAN AHMAD SHABRI ZAINUDDIN BIN WAN MOHAMAD
KETUA PENGARAH RISDA**

**PUSAT KECEMERLANGAN SUKAN PARALIMPIK MAJLIS SUKAN NEGARA
KUALA LUMPUR**

**19 SEPTEMBER 2019 (KHAMIS)
11.00 PAGI**

Yang Berusaha Saudara Pengacara Majlis

YBhg. Dato' Hj. Bahruddin bin Awang
Wakil Pengerusi Lembaga Pengarah RISDA FLEET Sdn. Bhd.

YBhg. Dato' Hazimah Zainuddin
Group Managing Director Hyrax Oil Sdn. Bhd.,
merangkap Pengerusi Perbadanan Usahawan Negara Berhad
(PUNB)

YBhg. Dato' Zamri bin Yaakob
Pengerusi NARSCO Berhad
merangkap Ahli Lembaga Pengarah RISDA FLEET Sdn. Bhd.

Ybhg. Tn. Hj. Sopian bin Abu Bakar
Ketua Pegawai Eksekutif Kumpulan RISDA HOLDINGS Sdn. Bhd.

YBhg. Dato'-Dato'/Tuan-Tuan Ahli Lembaga Pengarah RISDA FLEET.

Yang Berusaha Tn.Hj. Nor Aziz Bin Karim
Ketua Pegawai Eksekutif RISDA FLEET.

Pengarah-Pengarah Bahagian, Ketua-Ketua Pengawai Eksekutif
Syarikat Milikan RISDA.

CEO & Ketua-ketua Jabatan Syarikat-Syarikat GLC, Vendor-
Vendor RISDA FLEET, Para Dif Jemputan/Tuan/Puan dan seluruh
Warga Kerja RISDA FLEET.

Rakan-rakan Media

Yang Berbahagia Dato'-Dato'/Tuan/Puan yang dihormati sekalian.

**Assalamualaikum warahmatullahi wabarakatuh/ Salam
Sejahtera.**

1. Saya merakamkan ucapan jutaan terima kasih kepada
Pengurusan RISDA FLEET kerana sudi menjemput saya hadir
bersama-sama tuan/puan untuk menyampaikan ucapan serta
menyaksikan **MAJLIS MENANDATANGANI PERJANJIAN
PENGELUARAN MINYAK PELINCIR JENAMA “RFLUBE” &**

MAJLIS PENYERAHAN LORI KEPADA RISDA FLEET SDN BHD pada pagi ini.

2. Terima kasih juga kepada YBhg. Dato' Hazimah Zainuddin – Group Managing Director Hyrax Oil Sdn. Bhd., yang juga Pengerusi PUNB (Perbadanan Usahawan Negara Berhad), dan semua tetamu yang dapat memenuhi jemputan pada pagi ini.

Yang Berbahagia Dato'-Dato'/Tuan/Puan yang dihormati sekalian.

3. Kolaborasi di antara Hyrex Oil Sdn. Bhd., iaitu Pengilang minyak pelincir Bumiputera bertaraf antarabangsa yang telah berpengalaman lebih 27 tahun dalam bidang industri minyak pelincir adalah pilihan yang tepat sebagai rakan niaga RISDA FLEET.

4. RISDA berhasrat melalui kerjasama ini RISDA dapat mempromosikan pengeluaran minyak pelincir jenama RFLUBE

dan seterusnya melahir dan membimbing usahawan dalam pelbagai bidang yang berasaskan kepada aktiviti perniagaan teras RISDA FLEET.

5. Pengeluaran minyak pelincir yang diusahakan ini sangat relevan bagi RISDA FLEET sebagai syarikat Pengangkutan kerana minyak pelincir yang dikeluarkan dapat digunakan untuk kegunaan lori-lori syarikat sendiri bagi tujuan penyelenggaraan

kenderaan. Dengan ini akan menjimatkan kos penyelenggaraan kenderaan milik RISDA FLEET.

6. Selain itu, minyak pelincir ini boleh dikomersilkan dipasaran tempatan dimana RFSB telah mempunyai "*Niche Market*" tersendiri seperti RISDA/SMR/KPK dan Vendor-vendor pengangkutan yang bernaung dibawah RFSB. Produk minyak pelincir ini akan menjadi sumber pendapatan tambahan kepada Syarikat.

**Yang Berbahagia Dato'-Dato'/Tuan/Puan yang dihormati
sekalian.**

7. Misi RISDA iaitu membentuk Masyarakat Pekebun Kecil Yang Progresif & Sejahtera Melalui Aktiviti Perladangan dan Keusahawanan akan cepat terlaksana dengan adanya sokongan dan kerjasama daripada Syarikat Milikan RISDA dalam membimbing serta melahirkan lebih ramai usahawan pekebun kecil bumiputera seperti yang dilaksanakan oleh RISDA FLEET.

8. Sejak tahun 2016, RISDA FLEET telah berjaya melahirkan seramai 15 orang usahawan bumiputera dikalangan generasi pekebun kecil dan Koperasi Pekebun Kecil (KPK) dalam bidang pengangkutan dengan menggunakan dana geran permulaan perniagaan daripada RISDA sebanyak RM20,000 yang dibiayai dibawah program Aktiviti Ekonomi Tambahan (AET), bagi tujuan pembelian lori dan selebihnya daripada Pinjaman ansuran bank.

9. RISDA juga telah membuka peluang lebih luas kepada usahawan bumiputra pekebun kecil yang ingin menceburkan diri dalam pelbagai bidang perniagaan termasuklah usahawan bengkel baikpulih kenderaan, menjadi pengedar minyak pelincir dan tayar kenderaan.

10. Pada hari ini juga kita bakal menyaksikan penyerahan lima (5) buah lori baru kepada RISDA FLEET yang bukan sahaja sebagai tambahan aset tetapi lebih signifikan bertujuan untuk

meningkatkan kecekapan Sistem Penyampaian RISDA kepada kumpulan sasaran iaitu pekebun kecil.

**Yang Berbahagia Dato'-Dato'/Tuan/Puan yang dihormati
sekalian.**

11. Mengakhiri ucapan saya, sekali lagi saya mengucapkan Syabas dan Tahniah kepada Pengurusan serta Ahli Lembaga Pengarah RISDA FLEET yang telah bekerja keras untuk

menjayakan projek pengeluaran RFLUBE dan berjaya mencipta “branding” yang diimpikan.

12. Dengan kata-kata itu, saya dengan lafaz “Bismillahirrahmannirrahim, dengan izin Allah, saya dengan sukacitanya merasmikan MAJLIS MENANDATANGANI PERJANJIAN PENGELUARAN MINYAK PELINCIR JENAMA “RFLUBE” & MAJLIS PENYERAHAN LORI KEPADA RISDA FLEET SDN BHD.,dengan rasminya”.

Sekian, Wabillahi taufik walhidayah, wassalamualaikum warahmatullahi wabarakatuh.